



CRITERIOS DE APLICACIÓN DAS BONIFICACIÓNS NA COTA COLEXIAL E DAS COTAS VOLUNTARIAS

(Aprobados pola Xunta de Goberno na súa sesión 13/2017 de 19 de decembro)

As disposicións do presente documento, aplicaranse ás cotas colexiais, bonificacións e cotas voluntarias que fixe a Xunta Xeral, nos termos que este órgano estableza. Estes Criterios comprenden exclusivamente unha normativa de desenvolvemento e apoio do sistema de cotas, bonificacións e cotas voluntarias que fixe a Xunta Xeral.

NORMAS COMÚNS A TODAS AS BONIFICACIÓNS DA COTA COLEXIAL E COTAS VOLUNTARIAS:

- **Condicións xerais:**
 - o As bonificacións ou cotas voluntarias dispoñibles en exercicios anteriores, que non se recollan na regulación das cotas en vigor, caducarán cando remate o ano natural no que se recoñeceron.
 - o Non se poderán aplicar varias bonificacións ou cotas voluntarias ao mesmo tempo.
 - o A solicitude de aplicación de calquera bonificación e cota voluntaria suporá unha aceptación expresa dos requisitos establecidos polo Colexio, implicando un compromiso de comunicar calquera modificación nas circunstancias que fundamentan o dereito a aplicala.
 - o Aplicaranse exclusivamente mentres o Colexio teña constancia do mantemento da situación que orixinou o dereito a percibila.
 - o Salvo que se indique expresamente, as bonificacións e as cotas voluntarias non se aplicarán con carácter retroactivo, senón que se aplicarán dende a data de acreditación da situación que de lugar á bonificación ou cota voluntaria correspondente.
 - o O dereito a aplicación da bonificación ou cota voluntaria rematará o 31 de decembro do ano natural de presentación da solicitude, salvo no caso da bonificación por primeira colexiación na que se aplicará o determinado no documento de “Criterios de aplicación das cotas colexiais e servizos voluntarios” ou documento similar que estableza a Xunta de Goberno.

- **Entrega da documentación acreditativa:** os colexiados que soliciten unha bonificación ou cota voluntaria por primeira vez ou en todo caso cando soliciten a bonificación por desemprego, deberán entregar a documentación acreditativa requirida para a aplicación da bonificación ou cota voluntaria correspondente, segundo as seguintes indicacións:
 - o A documentación acreditativa deberá ser entregada no formato que se estableza cando se abra o prazo de configuración da colexiación, debendo aportarse no momento de realizar a solicitude de aplicación da bonificación ou cota voluntaria e dentro do prazo que se indique.
 - o En caso de que a mesma sexa errónea ou incompleta deberase completar nun prazo de 10 días desde o requirimento da mesma.
 - o Os colexiados que soliciten unha bonificación ou cota voluntaria e que non aporten a documentación acreditativa no período indicado, deberán abonar a cota íntegra anual que resultaría de non aplicar a bonificación ou cota



voluntaria. Isto non implica a perda do dereito á bonificación ou á cota voluntaria senón que supón que neses supostos a obtención da condición bonificada e en consecuencia a aplicación efectiva da bonificación ou cota voluntaria quedará pendente de que os colexiados aporten toda a documentación acreditativa correspondente.

- o A Secretaría colexial, en caso de estimalo oportuno, reservarase a posibilidade de requirir os documentos que considere necesarios para completar a acreditación da bonificación ou cota voluntaria.
 - o Os colexiados que no exercicio anterior aplicaron as cotas voluntarias por ser funcionarios ou asalariados públicos con dedicación exclusiva, xubilados, prexubilados, ou por ter recoñecida unha incapacidade total, absoluta ou gran invalidez, non precisaran entregar a documentación acreditativa da vixencia da situación que da lugar á aplicación da cota voluntaria, sempre e cando se manteñan as circunstancias que orixinaron o dereito á cota voluntaria e salvo requirimento expreso da Secretaría colexial.
- **Perda do dereito a aplicar unha bonificación ou cota voluntaria:** en caso de que, unha vez recoñecida unha bonificación ou cota voluntaria, se **perda o dereito a desfrutar da mesma por incumprir os requisitos establecidos**, a Secretaría colexial poderá determinar a perda da bonificación ou cota voluntaria no exercicio no que se produza o incumprimento e no seguinte.
 - **Consecuencias ocultación e simulación de datos:** a ocultación ou simulación de datos que o Colexio deba coñecer no exercicio das súas funcións de control ou para o reparto equitativo das cargas colexiais, segundo o art. 69,3 j) dos Estatutos, constitúe unha infracción grave suxeita a responsabilidade disciplinaria.



NORMAS PARTICULARES EN FUNCIÓN DAS BONIFICACIÓNS E COTAS VOLUNTARIAS:

1. Bonificación primeiro ano de colexiación: modalidades individual e colaborativa.

1.1 Modalidade individual.

a. Beneficiarios/as:

Persoas que obtiveran título habilitante para exercer a arquitectura en España, sexa español ou estranxeiro, que non estiveran colexiados con anterioridade en ningún Colexio de Arquitectos de España, e que soliciten e obteñan a colexiación no COAG individualmente.

b. Requisitos:

- Aportar a documentación requirida para a súa colexiación
- Obter a alta colexial mediante acordo da Xunta de Goberno, a Comisión Executiva ou mediante acordo provisional do Secretario da Xunta de Goberno.

c. Duración:

Aplicarase o desconto de primeira colexiación durante o primeiro ano natural, conforme ao determinado nos “Criterios de aplicación das cotas colexiais e servizos voluntarios” ou documento similar que estableza a Xunta de Goberno.

1.2 Modalidade colaborativa.

a. Beneficiarios/as:

Persoas que obtiveran título habilitante para exercer a arquitectura en España, sexa español ou estranxeiro, que non estiveran colexiados con anterioridade en ningún Colexio de Arquitectos de España, e que soliciten e obteñan a colexiación no COAG conxuntamente con outros arquitectos ou manifestando a súa intención de colaborar cun arquitecto xa colexiado no COAG.

b. Condicións:

- A solución colaborativa pode ser entre novos colexiados ou entre un arquitecto colexiado e novos colexiados.
- A bonificación aplicarase no momento da incorporación dos novos colexiados, ou posteriormente sempre e cando se manifeste a existencia de colaboración antes do 31 de decembro do exercicio en vigor.
- En caso de que a colaboración sexa entre novos colexiados e un arquitecto que xa figura colexiado no COAG, este último debe ter subscrito as cotas colexiais para o exercicio en vigor e o inmediatamente anterior, debendo estar ao ademais ao corrente de pagos.
- O abono correspondente ao desconto a aplicar por esta bonificación na cota ao arquitecto xa colexiado, farase efectivo a partires de que se satisfagan as cotas completas dos novos colexiados ou, polo menos, o primeiro trimestre.
- A solicitude de acollerse a esta bonificación por un grupo de colexiados, implicará exclusivamente ter un desconto na cota ou ter unha cota específica, en ningún caso



eximirá do cumprimento das obrigas como colexiado relativas ao exercicio profesional baixo forma societaria.

Requisitos :

- Aportar a documentación requirida para a súa colexiación. A bonificación será solicitada cubrindo e asinando o formulario correspondente a definir pola Secretaría colexial.
- En caso de que a colaboración sexa entre novos colexiados e un arquitecto que xa figura colexiado no COAG, este último deberá confirmar a colaboración a requirimento da Secretaría colexial antes de proceder á aplicación da bonificación.
- Obter a alta colexial mediante acordo da Xunta de Goberno, a Comisión Executiva ou mediante acordo provisional do Secretario da Xunta de Goberno.
- Os novos colexiados aos que se lle aplique esta bonificación, unha vez obtida o alta, deberán confirmar a modalidade de pago da cota, a requirimento da Secretaría colexial.

Duración:

- Aplicarase o desconto de primeira colexiación durante o primeiro ano natural, conforme ao determinado nos “Criterios de aplicación das cotas colexiais e servizos voluntarios” ou documento similar que estableza a Xunta de Goberno.

2. Bonificación Desempregados/as.

a. Beneficiarios/as:

Os/As colexiados/as que se atopen en situación de desemprego, que non exerzan a profesión por conta propia ou allea e que presenten a correspondente documentación acreditativa.

b. Documentación Acreditativa:

- Certificado de demandante de emprego do Servizo Galego de Colocación, do INEM ou servizo público similar.
- Declaración expresa manifestando cumprir os requisitos para gozar da bonificación correspondente, comprometéndose a notificar calquera modificación nas circunstancias que orixinan a aplicación da presente bonificación ao Colexio, conforme ao modelo establecido.
- A aplicación da bonificación ou cota voluntaria por atoparse en situación de desemprego, xubilación, incapacitación total, absoluta ou gran invalidez serán incompatibles co exercicio libre da profesión.

c. Requisitos:

- A aplicación da bonificación por atoparse en situación de desemprego, é incompatible co exercicio da profesión por conta allea ou por conta propia, salvo autorización expresa da Secretaría colexial.



- En caso de que desaparezan as circunstancias que daban lugar á aplicación da presente bonificación, a mesma será anulada e o colexiado deberá aportar o importe da cota íntegra anual que resultaría de non aplicar a bonificación.

3. Cota voluntaria funcionarios/asalariados públicos con dedicación exclusiva.

a. Beneficiarios/as:

Os/As colexiados/as que exerzan como Arquitectos funcionarios ou persoal laboral fixo con dedicación exclusiva ao servizo das Administracións Públicas, Entes e Empresas Públicas, sempre que o xustifiquen aportando a correspondente documentación acreditativa.

b. Documentación requirida:

- Certificación administrativa, expedida por quen corresponda na entidade na que o colexiado/a solicitante desempregue as súas funcións, acreditando a condición de funcionario/a ou empregado/a público e que se atopa en réxime de dedicación exclusiva e, por tanto, incompatible co exercicio libre da profesión de Arquitecto.
- Declaración expresa manifestando cumprir os requisitos para gozar da bonificación correspondente, comprometéndose a notificar calquera modificación nas circunstancias que orixinan a aplicación da presente bonificación ao Colexio, conforme ao modelo establecido.

c. Requisitos:

- A aplicación da presente cota voluntaria é incompatible co exercicio da profesión por conta allea ou por conta propia, salvo nas funcións correspondentes ao posto na Administración para o cal se dispoña de dedicación exclusiva.
- En caso de que desaparezan as circunstancias que daban lugar á aplicación da presente bonificación, a mesma será anulada e o colexiado deberá aportar o importe da cota íntegra anual que resultaría de non aplicar a cota voluntaria.
- A subscripción da cota voluntaria por ser funcionarios ou asalariados públicos con dedicación exclusiva, é incompatible coa pertenza a calquera das listas de peritos elaboradas polo COAG. En caso de anotarse nestas listas dalgún beneficiario da referida bonificación, a mesma será anulada e o colexiado deberá aportar o importe da cota íntegra anual que resultaría de non aplicar a cota voluntaria.

4. Cota voluntaria xubilados/as sen actividade profesional

a. Beneficiarios/as:

Os/As colexiados/as que non exerzan a actividade por conta propia, e que se atopen en situación de xubilación ou prexubilación, incapacidade total, absoluta ou gran invalidez para o exercicio da profesión, poderán solicitar dita cota voluntaria mediante a presentación da correspondente documentación acreditativa.



b. Documentación acreditativa:

- Documento emitido pola Seguridade Social ou da Hermandad Nacional de Arquitectos acreditando que o colexiado solicitante se atopa na situación de xubilado, prexubilado, incapacidade total, absoluta e gran invalidez.
- Declaración expresa manifestando cumprir os requisitos para desfrutar a bonificación correspondente, comprometéndose a notificar calquera modificación nas circunstancias que orixinan a aplicación da presente bonificación ao Colexio, conforme ao modelo establecido.

c. Requisitos:

- A aplicación da presente cota voluntaria é incompatible co exercicio da profesión por conta allea ou por conta propia, salvo autorización expresa da Secretaría colexial.
- En caso de que desaparezan as circunstancias que daban lugar á aplicación da presente bonificación, a mesma será anulada e o colexiado deberá aportar o importe da cota íntegra anual que resultaría de non aplicar a cota voluntaria.
- A subscripción da cota voluntaria por ser xubilado é incompatible coa pertenza a calquera das listas de peritos elaboradas polo COAG. En caso de anotarse nestas listas dalgún beneficiario da referida bonificación, a mesma será anulada e o colexiado deberá aportar o importe da cota íntegra anual que resultaría de non aplicar a cota voluntaria.